

Broj: 423/23

Datum: 12.06.2023. godine

Na osnovu člana 21 a. Zakona o zaštiti ličnih podataka ("Službeni glasnik BiH", broj: 49/06, 76/11 i 89/11) i člana 34. Statuta JP "ONSA" d.o.o. Sarajevo, Direktor Preduzeća *d o n o s i*:

ODLUKU

o obavljanju video nadzora u objektima kojima upravlja JP "ONSA" d.o.o. Sarajevo

Član 1.

Ovom odlukom reguliraju se pravila obrade ličnih podataka putem video nadzora, način postavljanja i korištenja tehničkih pomagala za video nadzor objekata Preduzeća.

Član 2.

Za nadzor objekata Preduzeća obrađivači su ovlašteni koristiti tehničke uređaje za video nadzor, te primjenjivati i druga tehnička pomagala za snimanje i digitalnu obradu događaja u i oko objekata Preduzeća. Tehnički uređaji za video nadzor se postavlja na vidljivom mjestu.

Korisnici usluga, radnici Preduzeća, kao i sva lica koja dolaze u prostorije Preduzeća bit će obaviješteni o vršenju video nadzora. Obavještenje će biti postavljeno na ulazu (glavnim ulazima) u krug i prostorije Preduzeća tako da je vidljivo svim osobama koje koriste krug i prostorije Preduzeća po bilo kojem osnovu.

Obavještenje je adekvatne veličine na kojem se nalazi slika kamere i jasno vidljiv natpis "UPOZORENJE OBJEKAT JE POD VIDEO NADZOROM".

Član 3.

Svrha postavljanja video nadzora je zaštita imovine i ljudi.

Član 4.

Preduzeće će snimke nastale korištenjem aplikacije za video nadzor pohranjivati na snimaču, obrađivati i koristiti u skladu sa Zakonom o zaštiti ličnih podataka, kao i propisima koji reguliraju zaštitu ličnih podataka.

Nastale snimke mogu se kopirati ili drugačije elektronski obrađivati zbog dokazivanja krađe, oštećenja vozila i imovine, ugrožavanja zdravlja i sigurnosti radnika Preduzeća ili korisnika usluga.

Član 5.

Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme. Pravila obrade podataka biti će propisana posebnim aktom (Pravilnikom) koji donosi direktor Preduzeća.

Video nadzor će se postaviti na adekvatna mjesta, a na temelju organizacijskih i sigurnosnih potreba, te tehničkih mogućnosti. Video nadzorom će biti obuhvaćene i izdvojene lokacije odnosno objekte kojima upravlja Preduzeće (parkinzi, spomen obilježja, česme...)

Mjesta za postavljanje nadzora definisana su šemom kamera, a koje će se ažurirati u skladu sa potrebama.

Član 6.

Kontrolu, način i vrstu korištenja podataka koji se prikupljaju video nadzorom vršit će radnici Preduzeća, a što će biti određeno posebnim rješenjem.

Video zapis se čuva maksimalno 15 (petnaest) dana od dana nastanka nakon čega se briše.

Pristup video zapisu može se omogućiti nadležnim organima u slučaju incidentnih situacija.

Član 7.

Da bi se video zapis dao nadležnim organima na uvid potrebno je da su ispunjeni sljedeći uslovi:

1. Da se desila incidentna situacija vezana za ugrožavanje sigurnosti imovine ili zdravlja ljudi,
2. Da je nadležni policijski organ podnio pismeni zahtjev za omogućavanje pristupa video zapisima sa jasno određenim vremenskim razdobljem za koji traži pristup video zapisima,
3. Da u arhivi snimljenog materijala postoji video snimak u traženom vremenskom razdoblju.

Član 8.

Ova Odluka stupa na snagu danom donošenja, a primjenivat će se od 13.06.2023. godine, a objavit će se na oglasnoj ploči Preduzeća.

Dostavljeno:

1. Službama,
2. Web stranica,
3. Oglasna ploča,
4. Arhiva



Direktor
Anel Tahirbegović